





3 1761 07510959 5

PL
248
H24H5







(محمود بك) مطبعه سی

باب عالی جوارنده ابوالسعود جاده سنده نومرو ۷۲

۱۳۰۹

مخطره

شاعر شهپر روم خاقانی محمد افندی مرحومك غایت محققانه
وعاشقانه اولان نظم حلیه تألیف شریفك الله ایدمه بیلدیکم یازمه
باصمه نسخه لرندن بونسخه نی اخراج ایله ترکی الفاضلی شمیدیکی
طرز تحریره تطبیقده توفیق یزدان بو عبد عاجزه رفیق اولدی.
تصنیفك اصلنی تصحیح دکل برکله سنی تغیر ایتمك خدمك
اقدارمك خارجنده بر کیفیت اولدیغندن نسخه لرجه بر برینه
مباین اولان عبارده لر دن مرحوم مشار الیهك مقصودینه اك
یقین کورینانی ترجیح ایتدم.

منبع حسن و جمال و محبوب خدای متعال اولان افندمن
صلی الله علیه وسلم حضرت تهرینك حق اقدس لرنده عربی فارسی
قصائد جلیله بی حد و حساب اولوب انجق لسان ترکی اوزره بویله
مثل و نظیر سنر بر نظم استعداد خارق العاده سی افراد امت
مرحومه دن حضرت خاقانی یه احسان بیورلدیغنه طوغریسی
هر بیت بشقه بشقه شهادت ایتکده در.

بونك اوراد متبرکه کبی تلاوته مداومت بیورلمسنی اصحاب
مطالعه یه توصیه ایدرم.

اچر حفظی

فی ۱۲ ربیع الاول ۱۳۰۹



حقنی ویرمش اولور قدر تکک	که تجلیکه عشق اولمشدر
قدر تکدر سببی شهر تکک	نور پیغمبر ایله طولمشدر
اودکلدر بوقدر قدسی دم	بخش ایدر حضرت وهاب علیم
غبطه ایلر سکا حسان عجم [*]	سویکی قولا رینه قلب سلیم
نه سلف آلدی بوشانی نه خلف	شادمان اول که سن آنلردن سین
سن قازاندک، نه سعادت! نه شرف!	راه اخلاصی بولا نلردن سین
شان رخشانکی تقدیر ایدرز	دیسسه دیوان سخن ارکانی
سکا حلیه کبی توقیر ایدرز	سکا عثمانیلرک حسانی

ایلسون ذاتکی منان مجیب
قصر فردوسده همبزم حبیب



[*] مشهور [افضل الدین خاقانی نبروانی] .

عصرک شاعر ادبی سعادتلو
 ناجی افندینک « ۴۵ » رقلی
 مجموعهء معلومه حضرت
 خاقانینک ترجمهء حالنک
 زیرینه ۱ مشار الیه حقنده
 ملی اوله رق محافظه ایتمکده
 اولدیغمز حسیاته ترجمان
 اواق اوزره ۲ درج ایتدیکی
 نظم آتی تقریض مقامنده
 نقل ایدلمشدر

کلامشدر سکا حالا ثانی
 امک مفخریسمین خاقانی !
 بزه برحلیه غرایازدک
 نامکی جبهه عرشه قازدک
 دهرک اولمقده سخن سنجانی
 اومهقدس اثرک حیرانی

بشقه شاعرده بولماز بوادا
 ساده بریتکه بیک بیت فدا
 قابک الهامکه مولادر
 سکا شاعر دیمامک اولادر
 اونه سوزشکه اوقورکن انسان
 بوله ماز ضبط بکایه امکان
 عشقدر محرق ایدن کفتاری
 سویلدن بویله اودر ابراری
 سوزلرک زیور الواح اولدی
 انبساط آور ارواح اولدی
 دل که آینه سبحانیدر
 لوحه حلیه خاقانیدر
 آنده ایتدکجه تجلی بواثر
 متجسم کورینور پیغمبر
 صاحبیچون نه بیوک دولتر
 زینت حافظه ملتدر
 ای خداوند مزک وصافی
 سکا حق ویرمش اوقلب صافی

بوجریده مده خطا وارسه اکر | کفت و کودن بودرالحق مطلوب
قلم غم و عطالر چکدر | بردعا ایلیر اهل قلوب

اولدن بیک یدی تاریخی تمام
بورساله مده تمام اولدی کلام



ظهر صحیفه به نظر بیوریه

بكا ناسك قتی پك بكزر یدر
 كهبرم اول صدك جوهر یدر
 یعنی كیم خلقاً و خلقاً تقدیر
 ذاتمه ایتشیدی انی نظیر
 اودر القصه اورن بنیادم
 باعث دولت مادر زادم
 حمد لله كه ایدوب ختم كلام
 سوزی ایتدم بو حدیث ایله تمام

خاتمه

ای شفا ساز بلای آفات
 ملجأ جملة عصات عبرات
 خاك در كاهك ارار لر بی شك
 ما عدن ماهی به دك ملك و ملك
 سایه پر كلا هكده ملوك
 اولدیلر هر بری عبد ملوك
 مدحتكده سنك ای قلزم نور
 نه قدر ایتدم ایسه جرم قصور

غفو ایدوب قلبمی احیا ایله
 بكا لطفكله تجلا ایله
 قابل شرح دكل نقصانم
 باقده اكسكلكه سلطانم
 بزده یوق مدحتكه نطقه مجال
 وصفن الله بیلیر بالا کمال
 حاصلی ای شه اقلیم وفا
 سكا جائده فدا بنده فدا
 وصفنك اولیجق پایانی
 عذره حاجتمی قالیر خاقانی

تنبیه

کیسه مقصود الهی به کوره
 مدح و نعت ایدمه مزاولا کهره
 غرضم بوجه انك عز تنه
 حلیه سن نظم ایدنه نك ذلته
 باقیوب تر چکه لر تیر کی
 چکیوب ناهنی شم شیر کی

الناس بی خلقاً وخلقاً


بویله فرمان ایدر اول صاحب جاه
یعنی اول پادشه عرش پناه
واضع قاعدۀ شرع نفیس
منمخرشیت وانوش وادریس
زیورکنکرۀ قصر جلال
شمع ابوان سرای متعال
مجلس ارای فضای لاهوت
کار فرمای دیار ملکوت
طائر طازم نه توی سما
عارف مسئلۀ « مالوحی »
کوه خاتم دست قدرت
پرتو نور جمال عزت
فخر اجدادم اولان آدمه بن
اشبهم جمله اولادندن
هم دیدی لطفله اول طبع سلیم
انیادن پدرم ابراهیم

ایلمشیدی انی خلاق ازل
حسن اخلاق ایلله بی مثل و بدل
شب معراجده اولدی اول ماه
شب چراغ حرم بزم اله
وجهی نورندن ایدی مالامال
تاسرا پردۀ درگاه جلال
خاصانی حرم مولانک
اوتانیرلردی جنبندن انک
نوری اولمشدی اوشمعک هر بار
جرم خورشید کی شمععه دار
کان فطرتده اوزات یکتا
جوهر فرد ایدی دیرلر محضا



قال رسول الله صلى الله تعالى
عليه وسلم انا شبه الناس
بآدم عليه السلام وكان ابي
ابراهيم عليه السلام شبه

سیخن پاکنک اولمشدی صریح
مردۀ لعل روان بخشی مسیح
ایلیوب وصف شریفن انشا
دیدیلر جمله فحول علما
شیرنر کی صلابتلی ایدی
قتی هیبتلی مهابتلی ایدی



يقول ناعته لم ارقبله ولا
بعده مثله

وصف ایدنلر اوفلاک درکاهی
یعنی اطوار حبیب الہی
اول آخر او وجودک بونی بیل
کورمدک مثانی دیر الحاصل
اتفاقی بودر اصحابک ہپ
اوشہنشاہ ملائک مشرب
صدف صنع الہیدہ عیان
در شہوار ایدی بردانہ ہمان

برکذر کاعده آدم کاهی
اکسزین کورسہ رسول الہی
ہیبت آیلردی کذارندن انک
کثرت حلم وقارندن انک
دخی برکسہ رسول ایله مدام
ایلسہ خلطہ ایدوب بعض کلام
کلماتندہ کی لذت ایله اول
قولی اولوردی قبول ایتسہ رسول
جذب ایدوب جذبہ ربانی ایله
قول ایدردی آنی اعوانی ایله
سوزہ کلسہ اودہان بی عیب
کشف اولوردی سیخن عالم غیب
التیام ایله او گفتار لطیف
دائم ایلردی قلوبی تلطیف
جام لعنندہ یازلمشدی مکر
خط یاقوتی ایله «کالکوثر»
ہردم ایلردی دہان ایتسہ کشاد
نیجہ شیرینی اولبلر فرہاد

نوله دال اولسه او قد مقبول
صفحه حسنه الف لام ایدی اول



قالت ام معبد فی بعض
ما وصفت به اجمل الناس
من بعيد واحلاه واحسنه
من قريب

ام معبد دیدی اول خاص خدا
رضی الله تعالی عنها
غایت اعلاسی ایدی ناسک او شاه
نظر اولسه اوزاقدن هرگاه
هم یقیندن او ممتاز جهان
عکس آینه ذات ایدی همان
جمله حسن اهلنک اعلاسی ایدی
قتی شیرین و دلاراسی ایدی
حاصلی روی عروس دهره
نوردن خال ایدی اول کلچهره

ذات قدسیلرینی کعبه مثال
قبله ایتمشیدی مقیمان جمال
جسم پاکیدی رسولک هر دم
مظهر جوهر اسم اعظم
اولنجه مهر جمالی طالع
قرب و بعد اولمز ایدی هیچ مانع
شویله ذیشان ایدی اول قدر جلیل
افتخار ایلر ایدی روح خلیل

بر وجودی که مراد ایده خدا
ظاهره جمله دن اولور اعلا



قال علی رضی الله تعالی عنه
فی آخر وصفه له من رآه
بدیهة هابه ومن خالطه
معرفة احبه

دیدی داماد رسول حرمین
والد جمله سادات وحسین

نزدیه کتسه او ماه قبرشی
پرچم حورایدی چاروب کشی
یوله عزم ایلسه لر عزت ایله
سرعت ایلر لر ایدی غایت ایله
چرخ دیوانیه دوندردی همان
او خدیوانه خرام اول جولان
قد طوباسنی عرض ایتسه اومه
حورلر دیرلر ایدی «طوبی له»
مژد پاینه ویرردی صلوات
قطب افلاک سریع الحركات
تیز چکردی زرددن ایتسه کذر
نقد عمری کذران ایدی مکر

کلسه رفتارده قد محترمی
کوییا ارضی دویردی قدمی
——————

اذا مشی يتقلع كأنما ينحط

من صلب

هم او سرمایه فضل و شرفک
سلف اشرافنه خیر الخلفک

دیدیلر وصف شریفنده ینه
یوریه مائل اولوردی اوکنه
فی شکر کبی حیا دن هر بار
اکیلردی اوکنه بر مقدار
یعنی یوکسکدن ایدر کبی نزول
یوریه دائم اکیلردی رسول
هر دم اولوردی او بالایه مثال
باد صبح ایله اکیلد کجه نهال
متفقدر بو روایتده ثبات
متصل اول اثر ذات وصفات
حضرت حق دن ایدوب استجیا
مه نو کبی اولور لردی دونا

اکا مخصوص ایدی صدق و اخلاص
حسن خاق اولمشیدی عادت خاص

اولدی انکی چون او ذات پاکک
یعنی اول زینت هفت افلاکک

مدحتی سببجه سکان فلک
نعتی اوراد سحر کاه ملک

ومع ذلك فلم يكن يماشيه

احد ينسب الى الطول

الاطاله

حاصلی اوسط ایکن قدر رسول
برطویل ادم ایله یوریه اول

نه قدر قدی بلند اولسه اوار
ینه بالتر ایدی پیغمبر

صکره ایرلسه دیدی اهل حجاز
بوووسط کورینیردی اودراز

انجم قدری رفیع ایدی تمام
دوات صرف ایدی اولسیم اندام

برکشی هر نه قدر اولسه طویل
یانه کلسه رسولک بی قیل

اول اوزون بویلمدن اویاک کبر
یوکسک اولوردی ال ایسی قدر

سدر ددن قدینه ایتدجه نکاه
روح قدسی دیر ایدی طال بقاه

امتیاز نه اوسروک اشجار

سرفرو ایلر ایدی طوبار وار

سدر دسا ایدی اوبالای بلند

اکا ایرمزدی خیال اتسه کمند

کلبن کلشن جاندر او نهال

ایددم سدره و طوبایی مثل



قال ابوهریر دررضی الله تعالی عنه

ما رأیت احداً اسرع فی مشیتة

من رسول الله صلی الله تعالی

علیه وسلم کأنما الارض تطوی له

بوهریره دیدی اول فخر کرام

قتی سرعتله ایدر لر دی خرام

کورمدم برکشی کیم اول بی باک

یوریمکده اوله اندن چالاک

عاشق ایتشدی انی رؤیت رب

صوکی تیزرو اولسه نه عجب

کویا اول رسالت پادشهی
کلبن حسن ایدی یاسروسهی
نخل کلباری قیلوب دفع ترخ
ایتدی علامره القای فرخ
سیر ایدن معجزه قامتی
دیدى مدح ایلدیرک حضرتتی
کورمدک بویله کل روی کوزل
تن کلبوی کوزل بوی کوزل
نه عجب اولسه وسط قدر سول
امته واسطه حق ایدی اول
نته کیم نخل کل باغ جنان
وسط القدایدی اول سرور و ان




لیس بالطویل البائن

ولا بالقصیر المتردد

حضرت شارع خاص الخاصک
یعنی اول دریم اخلاصک

دکل ایدی بوی هم شویله طویل
که اوله اندامی پریشان بونی بیل
متفرق اوله بالالقندن
شاخ عرعر کبی اعضای بدن
دخی اول پادشه علامه
صائمه کیم اوله قصیر القامه
شویله کوتاه دکل ایدی اول اولو
که اکا دیلر الحلق بویلو
معتدل قدنی ایتشدی کریم
مظهر خلق عظیم التعظیم
قامتی اولمشیدی اسلامه
لفظه الله کبی سرنامه
نخل بالاسی ایدی سدره قرار
زیور روی زمین اولسه نهوار
جسم جان پرورین ایتشدی کریم
علم آرای لوای «هم»



مظهر حیّ محیط اولمز ابد
اجل اسکندری وضع ایلدی سد
یعنی کتدجکه اوکلزار جمال
تازد لمکده ایدی غنجه مثال

ضرب اللحم

جسمنک لحمی خفیف ایدی تمام
لحم وشحم اسی دکلدی اوهام
صاقن ای عارف معقول شناس
انی غایتده نحیف اتمه قیاس

هم دخی اول سند شرع مبین
اوילה ظن ایلمه کیم اوله سمین

نهضعیف ونه قتی اتلی ایدی
معتدل براولو دولتی ایدی

بوی خویله اولوردی خوشتر
نفحه مشک وزباد غنبر

بدنی اولسه نمایان اوشهک
یورکی اوینار ایدی مهر و مهک

لحم وشحم دیدیلر اهل درون
بربرندن نه فزون ایدی نه دون
ایتمش اول قصر وجودک اوستاد
اعتدال اوزره اساسن بنیاد
خالق محبوب و کوزل خلقتی خوب
اسم و رسمی طرب افزای قلوب
اعتدال اوزره ایدی پاک تی
نوره غرق ایدی سراپا بدنی

— ۴۰ —

ربعة اقد

اورته بویلی ایدی اول سدره مقام
اورته لق انک ايله بولدی نظام

باغ فردوسده انک بونی بیل
اولدی بالاسنه طوبا مائل

دیکمدی سرو نهاله بدل
باغبان چنستان ازل

کورمدی خازن باغ جنات
اوילה بر سرو ملایم حرکات

دقیق المسربة

دخی کو کسندن ایاذخر ملک
اوغزال حرمک نافسدک

خط چکلمشدی سیاه قیلاردن
نقل ایدر لر بونی ناقلردن

لوح محفوظ ایدی اول صدرنکو
اکا کو یا قلم اولمشدی اومو

صدر پا کنده کل موی رسول
آیت الکرسی ایدی عرشده اول

دخی کو کسنده وقارنده انک
قیلی یوق ایدی اونازک بدنک

دیدى وصف ایلیان اول صاف دلی
یوق ایدی مسربه دن غیرى قیلی

عضو پا کنده انک سرتاسر
حاصلی یوق ایدی مودن اثر

صحف صدرنده الف کبی اوخط
مویدن چکشیدی خامه فقط

تار عنبر کبی اول موی سیاه
یراشیردی نته کیم هاله ماه

بادن متما سک

دیدى اصحاب ایله ارباب حرم
لمی اول جسم شریفک هر دم

تازه کل کبی مطرا ایدی هم
بدن پاکی مصفا ایدی هم

مثلی اولمازدی اوقاشی قوسک
کلرن دیرسه فاک فردوسک

عهد ایام جوانی کبی تا
پک ترو تازه ایدی اول اعضا

نه تنزل ایدوب اول سیمین تن
نه ضرر کوردی مسن اولمقدن

هیچ اولور می بوکه مانند کیه
اوله پشمرده کل باغ آله

کندی افنای وجود ایتدی ولی
روح صرف اولدی تن بی بدلی

اولدی اول سید بااستحقاق
اکرم الخلق و کریم الاخلاق
بویله دیر صاحب احیای علوم
یانه وارسه اکر بر معصوم
لطفله اوقشاسه اول کان کرم
یعنی سلطان سلاطین ام
سائر اطفالک ایچنده اوصی
حاصل ایلردی طریق ادبی
قو قوسندن بیلینیردی فی الحال
که اکال سوردی رسول متعال
نیجه کون کتمز ایدی رایحه سی
مشک ترکی اولوردی نفسی

انور المتجرّد

جسم تابنده محبوب خدا
صاف ایدی مهر منور کی تا
نوره بکزدی تن بی موی
نیجه مدح ایدیم اول پهلوی

کو یا قلزم انوار ایدی اول
صدف لجّه دیدار ایدی اول
هم او محبوب مسلم اسلوب
بدن اچسه اولوردی دها خوب
دم اورردی اکر اچیلسه دهن
بند پهلوسی انک « فاتحه » دن
نوردن سروایدی اول سیم اندام
نوله دیر لسه عماد الاسلام
غل و غشیدن دلی پاکیزه ایدی
مویدن ته که عضو جسدی
صفحه صدرنه ایرمزدی کدر
پر غبار اولسه اکر بحر ایله بر
یاری سیر اتمکی چون بی تکلیف
جملة چشم ایدی اول جسم لطیف
پاک ایدی مویدن اول نازک تن
نوردن بر جسد ایدی او بدن
بر محلا کموش آینه کی
مویدن صاف ایدی پهلوی نبی

زیر پا ایتدی بساطنده خدا
روی پر خالی غلامانک اکا
اولدی هر سنک سرکوی رسول
کردن حوره هائل مقبول
هم دیدی وصف ایدن اول ورتدی
مشکو ایدی الی آیلری
مرحبا ایلسه بر کسیدیه کر
دولت و عزت ایله پیغمبر
برایکی کون ارادن ایتسه مرور
بلکه هم بر نیجه ایام و شهور
دو ییلردی نته کیم ورد چمن
اول کشی رایحه طیبه دن
نافه مشک جهان ایدی اوجان
بوی مشک اولماز افندی پنهان

سائل الاطراف

بو طفیل اول فضالیه سر خیل
دیدي جانیله اولوب اکا طفیل

هر بر انکشت هایونی انک
قلم صنعی ایدی مولانک
دست زیباسی قضا قسمت ایدی
ید علیاسی قدر قدرت ایدی
نخل فردوس ایدی بالاسی مکر
سیمدن شاخ ایدی اول یار مقلر
خامهوش هر بری موزون و طویل
میل مفتاح در لطف جلیل
یاز مامشدی قلم ربانی
خامه انکشته انک ثانی
ساعدی بسمله شکلیدی همان
اکا «ن والقلم» اولمشدی بنان
دست عیسایه ید طولاسی
فن احیاده صوناردی کأسی
ایتدی اول ابر کف دریابار
کاشن دهره نثار انوار
خاتمیدی او ید فاروقک
حل و عقدی جمله مخلوقک

کوکب بختی ایتمشیدی بلند
فلکی اندن ایدن فائده مند

رحب الکفین والقدمین

فیض حکمتدن اولوب مستسعد
بویله تفصیل ایدر ابن خالد
للری آیه سی اول سلطانک
دخی ایاقلری التی انک
واسع و پاک ایدی نازک مرغوب
برک کل کبی لطیف و محبوب
پای و دستی یاننده انک
دست و پاسی یوق ایدی خوبانک
قتی موزون ایدی در اهل نظر
اول کرامتلی مبارک اللر
جان ایله اولمش ایدی الحاصل
ید بیضا سنه موسی مائل
تیغ انکشت ایله اول مونس حق
قری ایتدی سواده ایکی شق

پنجه سنده ایدی انک شام و سحر
قبضه قوس قضا ایله قدر
دستی چوکانه طوب ایدی همان
جمله بو کره کون و مکان
ساقی کوثر ایاغنی انک
بوسه کاهیدی دیدی رضوانک
یوزینی ایتمشیدی پاینه فرش
بو قدر عزت و اجلال ایله عرش
لب دریای لطافتده همین
ماهی سیم ایدی اول پای کزین
اکا اولمشلر ایدی خاک قدم
خیلی غلمان مضرب پرچم
نه فلک اویمکه خاک قدم
کوکده طقوز طولانیردی حرمن
نعل شب رنگن انک ایتیمکه بوس
یاقدی کوکارده ثریا فتوس
عرشه آهنگ ایدی چرخ فلک
دوشه دی پاینه بر شال بنک

بیضه کونی او شهپاز انام
قنادی آلتنه المشیدی تمام

مالك ملك وصال ایدی نبی
او ایدی ڪو ڪبه سنك سبی

احتشام شرف ذاتندن
او طانیردی فلك پیر افکن

قبوسن خیلی ملك بکار ایدی
جمله خدامی فرشتهلر ایدی

عظمت شاننه ایتشیدی نزول
سایه عرش عظیم ایدی رسول

— — — — —

عبل المضدين والذراعين

والاسافل

راویان خبر پیغمبر

بو معانی نی بیان ایلدیلر

جمله اعضای شریف نبوی

بربرندن ایدی تند وقوی

سیم ساعدلری بازولر ايله
دخی اولققلری نساقيله بيله

خشك وباريك دكل طولی ایدی
خالقك مقبل ومقبولی ایدی

اول سعادتلی مبارك اعضا
صنع یزدان ایدی بی چون و چرا

حاصلی خوب ایدی هر عضوی انك
جمله آیاتی ڪبی قرآنك

يك ایدی بربرندن بی شك
لوح دلدن ایده کور شهیهی حك

ساعدندن بنالینیردی هر کاه
سر « لا قوة الا بالله »

صدف جسمی ایدی جوهر جان

صاف بر پاره بلور ایدی صان


نوردن ایکی ستون ایدی همین

جسدنده او ایکی ران کزین

دخی اول ساق مبارك پایه

پایه عرشه ایدی همسایه

زیر دست ایتشیدی بار خدا
خاتم مهر سلیمانی اکا
اوغزال حرمه نافه صفت
خال مشکینی ویرزدی زینت
واقعا ختم نبین ایدی اول
کلدی پس مهر نبوتله رسول
کوس شرعندن او شاءك سحری
کوم کوم اوتدی قلکک قبه لری



ضخیم العظام

وصف ایدنلر او معالی نسبی
دیدیلر ایری کیکلیدی نبی
استخوان بدن پاکی تمام
یعنی جسمنده اولان جمله عظام
هر بری ایری و مردانه ایدی
صورت و سیرتی شاهانه ایدی
جسدی وصفن ایدن نازک دل
جئه دار ایدی دیمش الحاصل

اطلس چرخ ملاحظه مکر
اونکین اولمشیدی بر او اکر
موضع خاتم ایسه ارقه سنک
صاغ یاننه قریب ایدی انک
ظاهر اولسه اکر اونقش نکین
عبرت الیردی نکازنده چین
اکا ویرمشیدی کمال رونق
حکمت اندوز (وقل جاء الحق)

دیدیلر انی ایدنلر تعریف
بر بیوک خال ایدی او مهر شریف

کیم سیاهی صارییه مائل ایدی
اکا دقتله نظر مشکل ایدی
وار ایدی دائر سنده مشکین
قلجغزلر بر برینه یقین
مثلا خیل مژه کبی او مو
دیک طور و بچوره سن المشدی قو
تن پاکنده او خال ساده
عنبر خالص ایدی ذریاده

اولسه سينه سی ينوع حکم
لوحه يازمازدی بوا حکامی قلم
وسعت صدرينه يتمز می کواہ
صیغدی انده بوقدر سرالله
نور وحدت سیلوب آینه سنی
طولایروب سینه سی کنجینه سنی
یعنی اول صدر ذوی الحالاتی
ایتدی مرأت تجلیاتی
امره نیردی اگر اولسه دلکش
سینه مهوشنه قرص کونش
آتش شمع جمال ازلی
اودلره یاقشیدی اوکوزلی
کوکسی موزون ایدی طاوس کبی
طائر قدسی ایدی منتسبی

عظیم المنکبین

اتفاق بودر عرفانک
کیم سر دوش هایونی انک

غیره نسبت ببولک ایدی دیدیلر
جسم پاکنی کورن اهل نظر
اموزنده وار ایدی مسئله بو
نافه مشک کبی برنجیه مو
مبتلا ایدی اومویه اکثر
نه قدر وار ایسه کرو بیلر
هپ بومعنائی بیلر پیر وجوان
یا صسی یاغری نی ایدی فخر جهان
ملکت علمه مدینه ایدی اوتن
نوردن برج ایدی گویا اوبدن
پایمالیدی انک مور مثال
نره شیران نیستان جلال
یغرینک اورته سی هم اتلی ایدی
بر کرم صاحبی دولتی ایدی
تن سیمنده لطافت وار ایدی
سکه مهر نبوت وار ایدی
کنج علم ایدی اوغندوم ملک
لاجرم کنج ایسه محتوم کرک

صفحه سینه سن ایتسه مفتوح
عالی قاپلار ایدی فیض فتوح
عشقه اولیجه محال تشریف
نیجه اولمق کړك اول صدر شریف



واسع الصدر

اول مقیم حرم مولانك
یعنی سر حلقه مقبولانك
سینه سی غایت ایله واسع ایدی
نور ساطع کبی هم لامع ایدی
وصف ایدنلر اوملك طاوسن
دیدیلر اتلی ایدی پهلوسن
شولقدر آق ایدی اول صدر کبیر
انی صانیردی کورن بدر منیر
دیدي اصحاب ایدوب اکثر تصریح
آق کل کبی بیاض ایدی صحیح
فیض نور ایتسه نه وار صدر رسول
مخزن نور هدایت ایدی اول

پاك بطینله او نازك سینه
خوب و هموار ایدی بربرینه
جسم صافی ایدی لطافت آبی
نافی دریای صفا کوردابی

نور محض اولسه نه وار جسم رسول
شعله شمع تجلا ایدی اول
ناف مشکین ارار لر الان
صحن جنتده غزالان جنان
دمبدم کشف اولیجق اول پهلو
عرشه وارردی صدای هو هو
اعتدال بدنی اولسه عیان
مهر و ماه ایدی صانیرلردی قران
صدر زیبای ایله چون کل تر
شکم پر حکم پیغمبر
حاصلی دوپدوز ایدی آینهوش
صاف و یکسان و مصفی بی غش
کاه اول شاه غنایت معتاد
یعنی اول باعث اصلاح عباد

ایتدی اول چاه ذقن نیجه زمان
یوسفک باشنه مصری زندان
شب قدر ایدی اوریش مقبول
یامکر سورده «واللیل» ایدی اول
حسنه ویرمشیدی رونق ووفر
لمعه نورسیاه ایدی مکر
آز ایدی سبک فرخنده لری
ملک رومک نته کیم مشک تری
اوسعادتلی محاسن الحق
طیب غنبرله ایدی مستغرق



احسن الناس غنماً

بوجحیفه ایله دیدی بونی حریم
اوله لر قرب حمایتده مقیم
کردن پاک رسول آفان
غایت آق ایدی بغایت براق
مجلس حسنه دیدی اهل اصول
کویا سیم صراحی ایدی اول

بونی غایتله لطیف ایدی انک
احسن العنقی ایدی دنیانک
غالب اولمشدر اوگردان کزین
شع کافور سراپرده دین
انی خلق ایتشیدی حق ممتاز
اعتدال اوزره نه کوته نه دراز
کردن پاککنه دیرلر شراح
هرکز ایتزدی اثرشمس وریاح
بونی اقن انک اصحاب اکثر
کמוש ابریکده تشبیه ایلر
طوق ایدی کردنه حب خدا
غنق پاککنده ردا ایدی رضا

بویننه المسه عشقی اول جان
بونی باغلی قولی اولمزدی جهان



سواء البطن والصدر

پرده داران شبستان ادب
قارنی کوکسیله برابر دیدی هب

طوتدی اول کا کل مشک افشانی
ربع مسکون ایله چار ارکانی
قیلدی اول زلفی خفی الالطاف
نافه مشک بنی عبد مناف
کا کلی ایتدی پریشان ملکی
بر برینه دوشوردی فلکی

هم او مجموع علوم عالم
زبدۀ زمرد آل هاشم
گاه او کیسولر ایچندن کوشن
چیقاروب خلقت الیردی هوشن
سمع پاکیه ایدردی اصغ
کوکده جبریه نه امرایته خدا
طوغه لی کون کبی اول ماه جمال
بنده حلقه بکوشیدی هلال
تازمار اولسه اوزلف شبکون
نیجه ییلا لر اولوردی مجنون
گاه اول طره عنبر نسبی
دوشوردی قولانغی اوزره نبی

بوینک نوری ایدردی هر آن
تار زلفی اراسندن لمعان
شعله کردن صاف و پاکی
پر ضیا ایلر ایدی افلاکی

کتاب الماحیه

اول خداوند خدا وندانک
یعنی اول ذات عظیم الشانک
ریش پاکنده اصولی چوق ایدی
قتی چوق تار بیاضی یوق ایدی
او مبارک صقالندن بونی بیل
انجق اغارمشیدی اونیدی قیل
دخی اجماع ایله مردان اله
دیمش اول حیه مشکینه سیاه
نه قوررجق نه دراز ایدی قتی
اعتدال اوزره ایدی هرجهتی
خوب ایدی طوب زنخدانی انک
ساعد صنع ایدی چوکانی انک

نص تنزیل ملاحظه عیان
«والضحی» ایدی شریف آلفی هان



رجل الشعر

دخی مشکین صاچی باقول صریح
نه قوی رجق نه طویل ایدی صحیح
ایله زلف شب آسامی انک
سر مکنونی ایدی اسر انک
اتفاق ایتدیلر اشراف عرب
اکثر اول موی میانک صاچی هپ
سبع پاکنه چوتار غنبر
بسبر ابر کورینوردی اکثر
هم او افلاک جمالک ماهی
کا کلن درت بولر ایدی کاهی
ایکی جانبدن ایدوب ایکی بؤک
دوش پاکنه براقیردی چوزک
اودوتا زلفدن اول اذن شریف
کورینوردی مه نو کی لطیف

واسع و پاک وضیا کستر ایدی
فلاک حسنه مه انور ایدی
انک ایتشیدی جناب خالق
کر مندن یوزن آق انک آچیق
بی قرین ایدی هم اول بدر جبین
نته کیم آینه شرع مبین
عالمه اولمشیدی شعله فکن
پر تو نور خدا آلتندن
ایده لی کون کبی القصه ظهور
زیور عرش برین ایدی انور
جهه سین قلمشیدی رب انام
لوحه کاخ سرای اسلام
مالک منصب وصل ایدی رسول
اکا توقیع هایون ایدی اول
نه عجب اولسه کر اوجهه پاک
روشنا بخش عیون افلاک
عرشدن ایتمکه بر کره نظر
جان ویرردی اکا روحانیلر

کون کبی باقسدک اوبدر اکمل
سبورک کبی کورینوردی سهل
نه طویل ایدی او طلعت نه قصیر
فصحاً اکا اسیل الحدیر
دهنی لعل لبی دولت ایله
اعتدال اوزره ایدی غایت ایله
کوثر لعلنه ایتمشدی جلیل
سلسیلی سرکوننده سبیل
—————

وفی حدیث ابن ابی هاله
رضی الله عنه یتلاً لا وجهه
کما تلاً لؤلؤ القمر لیلة البدر
هم دخی ابن ابی هاله دیدی
بدر رخساری قمر کبی ایدی

لیلة البدر اولیجق جرم قمر
نیجه رخشان ایسه اول عارض تر
شویله تابان ودرخشنده ایدی
مهر انور کبی تابنده ایدی

دیدی کل رخلرینه ذی النورین
تاب عشق اولمشیدی زیور دین
یعنی ویرمشدی شراب وصلت
جام رخسارینه نورانیت
یوزینک ماشطه صنع جلال
آقن آق ایتمشیدی آلی آل
شعله سی شامل ایدی هر باب
کوکده طعن ایلر ایدی مهتاب
عرض ایدردی شغبین شام و سحر
رخنه حضرت قرآن اکثر
لطفله ایلجک رفع نقاب
جرم خورشیدی اریتردی حجاب
اقتاب رخ رخشان نبی
ماه تاب ایلر ایلری تیره شی

واسع الجبین

یعنی اول جبهه خورشید اثر
نته کیم چشمه مهر خاور

یوزی بکزردی مدور آیه
ذاتی آینه ایدی مولایه

ساغر عارض مه سیماسی
باده عشق ایدی مجلاسی

عرض حسن ایتسه او مخدوم خلیل
یوسفن اگماز ایدی اسرائیل

شویله بر نور ایدی اول وجه حسن
اکا باقیلماز ایدی شو قند

عالی دولت ناکاه کبی
تابناک ایلر ایدی ماه کبی

واضح ایتشیدی او یوزدن فتاح
نیدوکن آیت « فیها مصباح »

کعبه وجهنه ایتدجه نظر
سجده ایلر لرایدی شمس و قمر


دیر عالمده او روی پرتاب
ایتدی اتشکده فرسی خراب

معجزات رخنک بالاجمال
ایده من نقلی عقل فعال

اقتاب فلک دین ایدی اول
مردم چشم خداین ایدی اول

شولقدر خوب ایدی اول وجه جمیل
عاشق حسن جمالی ایدی جلیل

باغ حسن ایچره اوروی رنگین
بر اچیلش کله بکزردی همین



لیس بطهم ولا بمکلم

دخی اول مفخر موجو داتک
یعنی پیغمبر فرخ ذاتک

وجه پاکنده اولان لطف لطیف
نه کشف ایدی دیمشله نه تحیف

هم دخی اول ایکی رخساره تر
قتی چوق اتلی دکلدی دیر لر

حاصلی قول اصبح بوکه رسول
یعنی اول چشمه خورشید و صول

بغدا ای کلیرک اغیدی تمام
طلعتده وار ایدی صفوت تام

شویله محبوب ایدی اول سدره جناب
 کیم ملک باقغه ایلردی حجاب
 بر کون اول طوطی کلزار وصال
 قهقهه ایتدیلر کبک مثال
 اولسه دیشلری مصباح ظلم
 ظلمات اچره قالیردی عالم
 بولدی انکله شرف دین و دول
 صانره شرعه دیکلدی مشعل
 کل خندانه دونوب آچسه دهان
 فیض نور ایلرایدی اول دندان
 ظاهر اولوردی ضیای انوار
 عکسی دیواره دوشردی هر بار




وكان في وجهه تدوير

دیددی اول مظهر انوار جلی
 اسدالله ولی یعنی علی
 روی رخشانی دکر میدی انک
 نته کیم جرمی مه تابانک

شویله محبوب ایدی اول سدره جناب
 کیم ملک باقغه ایلردی حجاب
 بر کون اول طوطی کلزار وصال
 قهقهه ایتدیلر کبک مثال
 وفي صفة اخرى عن ابي
 هريرة رضي الله عنه اذا
 ضحك يتلأأ في الجدار
 کمثل البرق

بو هریره صفت اخرا ده
 دیر بو معنایی دخی بر یرده
 فیخر عالم کولیکجک دیشلرینک
 درجی مکشوف اولیجق کوهرینک
 نور رخشانی چو مهر و مه نو
 سر بسر کونه صالاردی پرتو
 لامعه ایلردی اونور باهر
 شعله لر یریر اولوردی ظاهر

لعل جان بخشی اولنجده کویا
امرہ نیردی لبتہ آب بقا
مکر اولمشدی اولعل ممتاز
حقہ لؤلؤ صندوقہ راز



اذا افترّ ضاحکاً افترّ عن
مثل سنا البرق او عن مثل
حب الغمام

ام معبد کتبیروب تحقیقہ
دیدی ہم عایشہ صدیقہ
کولسد اول ایکی جهانک کونشی
یعنی اول انجم اوج قرشی
خندہ دن دوات ایله اولسد عیان
دهنندن او مبارک دندان
یلدیرم کبی درخش ایلر ایدی
شعلہ وشعشعہ بخش ایلر ایدی
کورینوردی ہم اودندان شریف
طولولر دانلری کبی لطیف

نور ایله طوبطانو ایدی اودهن
شعلہ سیدی طولو کبی کورینن
مکر اولمشدی اوسپای بسم
صدف معرفت در یتیم

شب معراجده یمن دیدار
نخل امیدن ایدوب بر خوردار
انی هروجهله شاد ایتمشیدی
قید تکلیف ارادن کتمشیدی

نوله بی قید و تکلف هر آن
غنجدهوش کولسه اووردخندان
خندہ می ایدی تبسم او کلمک
یعنی سلطان کروہ رسلاک
ابن عباس دیر اول خاص خدا
کولمکه ایلر ایدی استحیا
کولسه اول خسر و سیارہ سپاہ
شوقدن تتر ایدی عرش الله
قتی شرمندن اودینک سندی
قہقہہ ایتدی دیرلر ایدی

اذا تكلم روى كانه نور يخرج
من بين ثناياه

شیر حق دیدی او مسجود ملک
فیض حکمت به تکلم ایدیحک
انک او کدیشلری ایتدیکجه ظهور
ظاهر اولوردی همان شعله نور
شویله افراط ایله برق ایلر ایدی
مجلسی مطلع شرق ایلر ایدی
حین کفتارده اولوردی عیان
قدرو قیمت شکن جوهر جان
حزر حسن ایبره او اسنان کزین
سین «یس» ایدی کویا که همین
یعنی اولمشدی او درمکنون
عالمه باعث تفریح عیون
سلاک جوهر کبی اول عقد لال
شعله دار ایدی دیمش اهل مقال
نطقه کلسه اوسه خندان سایم
رشک ایدردی کلماته کلیم

آچسه جوهر لرین اول بحر شرف
کف چکردی در غلطان صدف
سر صنع ایدی او اسنان نظیف
بر نمونه ایدی اکا نظم شریف
اوله لی چرخ زمرد پیدا
انبیا ایچره او در یکتا
لؤلؤ ترکیب بردانه ایدی
جمله اوضاعی ملو کانه ایدی
اکا اولمزدی محصل همسر
کان امکانده اولان کوهر لر
کوییا اول در دندان نفیس
ایکی مصرع ایدی موزون وسلیس
شویله مطبوع ایدی اول سلاک درر
که اکا میال ایدی طبع بشر
لعلنه ویرمشیدی حسن و جمال
دیشلری ایکی دیزی اینجومثال



صانکه وضع ایتشیدی بخت بلند
 مهجۀ حسنه کوش بازو بند
 تیغ ایدی عرشه آصلش یامکر
 وجه پاکنده کی انف خوشتر
 سدره دن ایریلجق روح الامین
 کل کبی قوقوسین ایردی همین

کویا انف حبیب الرحمن
 غنجه ورد سفید ایدی هان
 دائم ایردی اودولتی مشام
 قرب حق رایحه سین استم

اشنب مفلج الاسنان

مونس حجرة خاص نبوی
 انس او کعبۀ دین راه روی
 نظم ایدوب جوهر دندانک انک
 دیدی اول پادشه یکتانک
 دیشلری صاف ایدی هم سیرک ایدی
 رشته دانه در دن یک ایدی

تیغ توحید ایدی ابروی رسول
 کورینوردی ایکی سیف مساول
 حاصلی ایجه و طولانی ایدی
 کویا رشته ریحانی ایدی

اقتی الانف

مه جبینیه او بیتی شریف
 خوب و هموار ایدی موزون و لطیف
 حاجیننه قریب اولدینی یر
 بر سهل یوکسک ایدی دیر جابر
 کورینوردی او نبی عربی
 قارشیدن مرتفع الانف کبی

انی ایتشیدی خدای متعال
 او مهک اوج جمالنده هلال
 هم او بیتی قاشی مایینی ایله
 کاف وها شکلی ایدی عینی ایله
 شولقدر خوب ایدی او انف منیف
 ایده من اهل معارف تعریف

طاق ابروسی ایله اول ملڪك
طاقتي طاق ایدی چرخ فلڪك
او مبارك قاشنك رسمی عیان
حق رسول ایدر کنی قیلدی بیان
ایکی ابرولرینك اراسی هم
سیم خالص کبی ایدی هر دم
صاف و براق وضیا کستر ایدی
یعنی خالص کموشه بکزر ایدی
قاشلری اراسن ایتشدی خدا
اوج افلاك شریعتده سهیا

از تجالحو اجب

بویله نقل ایتدی حکیم ابن خرام
خم ابروی رسول علام
کوستر شده ایدی هالال ایله شریك
ماه نوکبی طویل و باریك
چکسه پرکار ازل اکامثال
قاشی پرکارینه بکزر دی هالال

سورده فتح ایدی اول جبهه ماه
مد ابروسی ایدی بسم الله
او کوزل قاشلری محرابی انك
قبله کاهمیدی بتون دنیانك
قیدینه صید قلوبك یامکر
ایکی قلاب ایدی اول ابرولر
قاب قوسینی تذکرده عیان
غرض اول قاشی کن ایدی همان
غردنك بوکدی بلن بی تکلیف
کوکده اول خنچر ابروی شریف
طاقتن ایتشدی عرشك طاق
خم ابروی رسول آفاق
غرهیه بکزر ایدی هر جبهتی
یعنی باریك و طویل ایدی قتی
قاشلرین وصف ایدمهز اهل مقل
صرف ایدر سه تقدر اینجه خیال
نیجه دقتلر اولنسه هر آن
موشکافن ایدمهز زردی بیان

دیدنی اوصافن ایدن موبو
چشم آهوسین اوزون کرپکلو
میل کن ایتسه ده بی تکلیف
اکل العین ایدی اول ذات شریف
کحل قدرتله مکحل ایدی اول
هر خصو صیه مکمل ایدی اول

ابلیج

دخی مالکله ابو هاله دیدی
ماه نوکی اچیق قاشلی ایدی
تاب دیدار خدا ایله رسول
بر هلال اولدیغنه دال ایدی اول
ملکت حسنی اوتیغ ابرو
سل سیف ایلوب اچمشدی قزو
خم ابروسنه اولمزدی مثال
قنادین بوکسه های اقبال
قاشنک کوشه پیچ وتابی
جامع حسنک ایدی محرابی


متمل اول ایکی چشم شهباز
ساحه عرشه ایدردی پرواز
ماسوی نامه نظر ایتدی هم
هیچ عینده دکلدی عالم

اهدب الاشفار

عقبات ایچره اوسیف صارم
یعنی فرزند معیتب دیدیکم
تیر مژگانی سیاه ایدی انک
تار کیسوسی کبی حور انک
قاره کرپک دکل ای اهل اصول
سرمه لیه معراج ایدی اول
ملک جان ودل عشاقه مکر
ناوک انداز ایدی اول کرپکلو
ایلمشدی انک الحقی صانع
تیغ مژگاننی نص قاطع
ابن عمرانی [ه] اوهست صمدی
حاصلی کرپکنه آصماز ایدی

[ه] مشهور برهلو انک اسمیدر [للاطایع]

بو قدر قدر ايله اول ذات شريف
مسجدى اويله ايدردى تشریف
اول سیاه جامه ده اول فخر جهان
آب حیوان ایدی ظلمتده نهان
قره شاله کیر یجک آینه وش
بلوطه کیردی صانیر لردی کونش
کچوب اول قاشلری یا محرابه
لطفله دیر لر ایدی اصحابه
بن قولم قوللرک اثوابی بودر
هم عبودیتک آدابی بودر
بو تفصیلی مبرهن مرقوم
ثابت ایتمشدر احیای علوم



اشکل العین

مست عشق اولمغین اول چشم خمار
حمرته مائل ایدی بر مقدار
سینه چاکیدی رسولک هر آن
اول ایکی قانلی کوزینک فراقان

عین اعلاسنی کاه و بیگاه
غیره با قدرماز ایدی عین الله
ساکنان حرم کردونی
اولدی خونی کوزینک مفتونی
قره العین خلیل ایدی او خوب
اکامیراث ایدی او جذب قلوب
دیده سنده نه ایدی دیر سهک او آل
دخی چشمنده ایدی جام وصال
دولت اولمشدی او کوزلردینه
عین اقبال ایدی حورالعینه
خسته عشقی ایدی سرتاسر
قهرمانی کوزینک رستمدر
باقسه اول علم لدن سلطانی
روحک اغزینه کلیردی جانی

دل شکار اولسه نوله چشم رسول
کحل «مازاغ» ايله مکحول ایدی اول
کور مامشدر رصد انکیز قدر
کوزلری کبی خدایی کوزلر

یراشیردی نته کیم حور جنان
سرو قدینه یشیلر هر آن
اکثر آق ایدی لباسی اوکلک
یوزی آغیدی گروه رسلمک

دریکتا ایدی اول یکتا دل
نوله کر اولسه بیاضه مائل
که ظهورایلر ایدی اول کل آل
خلعت سرخله خورشید مثال
بونی تحقیق بیل اورشک سروش
اولدی حورا کبی هم سندس پوش

یعنی کیم اینجه لطیف اطلسلر
کیدیملر دولت ایله پیغمبر

ابن عاذب دیدی بورای منبر
نهی اولمز دن ایدی لبس حریر
بورینوردی دخی اول مہپاره
زعفران ایله بویاتمش جاره

کاهی اول تاج سر آل عبا
یوگدن ایلردی قباسین فرضا

باشنی دوندیری کیمک اکثر
واقعا آدمی بی حرمت ایدر

اجل

هم جسم ایدی رسول اکرم
یراشیر روح مجسم دیرایسم
جسم زیباشنه ویره شدی رواج
خلعت تاج و قبای معراج
انبیا خیلنه سلطان ایدی اول
اعظم القدر ایدی ذیشان ایدی اول

اکمل الخلق ایدی او خوب خصال
ذوالجلال ایتمشیدی فیض جمال

اوله لی تحت نبوتده مقیم
جلوه کاهیدی انک عرش عظیم
صاحب حسن بها ایدی رسول
حاصلی عین وفا ایدی رسول

کلامشدر بیلیر اشیا آتی
یارادلمشده انک اقرانی

واذا التفت التفت معاً

هم روایتده او طائوس جنان
اولسه بر جنبه کاهی نکران
متوجه اولوب اعضاسی ايله
جسم پاکيله دونلردی بيله
سرينه تابع ایدردی جسدی
بونی ترک ایتايشیدی ابدی
دونوب اطرافنه قلدجه نظر
سجده ایلردی جمادات و شجر
نردیه دونسه او قد چالاک
حاصلی بيله دونردی اغلاک
اقتیه بویه عمل سنت ایش
بو هریره یله انس بویه دیش
دونیچک بویه دونر اهل هنر
سنت احمدی اجرا ایلر
هپ بومعنای بیایر اهل قبول
حکمت آموزایدی اوضاع رسول

شیوه غمزده لازم نازی
عالمک اولمشیدی ممتازی
کوشه چشم ايله ایتدجه نکاه
غشی اولورلردی سروش درگاه
حین رؤیتده آچاردی نظری
نکته سر کیمج البصری
غرق خون ایتشیدی نافه مثال
ختن آهولرین اول چشم غزال
کوزینک آغی بیاض ایدی قتی
قابل وصف دکادر صفتی
هم سیاهی ایدی غیتاه شدید
برایدی اکا قریب ايله بعید
واسع و خوب و لطیف ایدی کوزی
نور محض ایدی سعادتلی یوزی
قوت باصره مصطفوی
کیجه کوندزکی اولوردی قوی
او ایکی دیدۀ بی سرمه سیاه
دائم اولمشیدی نظرگاه اله

دخی سیمای شریفندن آنک
 بیلینردی غرضی اول جانک
 نور ایدی آینه وجهی
 ظاهر اولوردی رضاسی غضبی
 کندی نفسی ایچون اول پاك نسب
 ایتدی کسه یه عمر نده غضب
 اولمدی هرگز اولعل نایاب
 هیچ کسه ایله جهانده شکراب

— — — — —

ادعج العینین

اول کورر کوزلری مصنوعاتک
 مقتضای سیدی تجلیاتک
 انی کوز نوری کبی سیر جمال
 بی مثال ایتشیدی بالاجال
 چشم حق بینی پک احسن ایدی
 ایکی شهباز شکار افکن ایدی
 کورینوردی کوزی دائم کجول
 حد ذاتنده سیه چشم ایدی اول

هم دیمش فرقه اشراف الحق
 عارض پاکی عرقناک اولیجق
 دانه درکبی روینده تری
 خوشنما ایلر ایدی اول کهری
 شمع رخساری دوزردی ماهه
 صانکه قندیل ایدی عرش اللهه
 عطر خوبیه پراولوردی مشام
 بوی مشک ایدی یاخود عنبر خام
 ترله سه اول کل کلزار سرور
 جوش ایدردی صناسک قلزم نور
 نته کیم شعله شمع خاور
 برق اورردی رخ پاکنده اوتر
 اولوب انوار رخی ایکی علو
 درودیواره صالاردی پرتو
 برک کل کبی اولوردی نیکو
 ترلجکه اوعداز خوشبو
 کوردی کؤثر عرق کلبوین
 نیجه ایتسون اغزی صوین

باعث مغفرت حضرت اوله
سبب پایه امنیت اوله

بونی ای جمله مخلوقه مطاع
ایلرم واسطه استشفاع

اومارم ایده نبی اهل جنان
یمین اوصاف بنی العدنان

هم نجاتمه برات اوله بنم
سیئاتم حسنات اوله بنم

دخی حشر ایله اول رب غنی
انی دنیاده کورنلرله بنی

تا که بوقلمنه نه باروده
ظل عدلنده اولام آسوده



کان رسول الله صلی الله تعالی

علیه وسلم ازهر اللون

اتفاق ایتدی بومعاده امم
ازهر اللون ایدی فیخر عالم

یوزینک خالص ایدی آغی قتی
رخلری صاف ایدی صافی صفقی

رنک رویی کل ایله یکدل ایدی
کل کبی قرمزیه مائل ایدی

قابلامشدی یوزینی نور سرور
سوره نور ایدی یامطلع نور

مصحف حسن ایدی اول وجه جمیل
خط رخسارده سی نص تنزیل

کون یوزندن اوطانوب آب حیات
مسکن ایتدی ورای ظلمات

وجه براقنک اصحاب صفی
حمرتی غالب ایدی دیر حتی

کوکده اولمشدی اوروی رنگین
شمع جمع حرم علیین

اکا ویرمشدی کمال زینت
کاتب چهره کشای فطرت

عرق الود اولیجق اول سلطان
کل پرژالهیه بکزرردی همان

بر مراد اولغه بر آلت ایش
مورث دولت ایش رفعت ایش
اکا اقبال ایدوب اقبال اهلی
قالدن حاله کلیر حال اهلی
معرفت قدرینی عرفان اکلار
حکمت نظمی لقمان اکلار




فهرس نامه نامی اغنی حضرت
نبی التهامی صلی الله تعالی
علیه وسلم

واصل اولنجه اصح خبره
ورددم اولدی کتب معتبره
هر روایت که ثقاتک اوله اول
سلف ایش اوله لر آنی قبول
اخذ و تسطیر ایدوب ایتدم اخراج
اوله تاعلت عصیانیه علاج

اول فقیر اولدی عطا کایله غنی
بندمه سرور ایدیم شمدی سنی
رب عزت بکا فرمان ایتدی
مژده لر ایلدی احسان ایتدی
دیددی کیم حلیه کی شاد اولسه کوروب
خرزجان ایلسه انی کتوروب
اخرا الامر اولیجق روز قیام
جسمنه نار جحیم اوله حرام
او کئی چکمه یه بالجه عذاب
نه بودنیاده نه عقباده عقاب
لایق دولت دیدارم اوله
دخی شایسته انوارم اوله
ارتباط ایددی جوهرله عرض
قصه دن حصه در القصه غرض
سابقا ایش ایش اهل خرد
حلیه پاک ایله تن سائی رد
دخی انکله شفاعت طلبی
مقصدک اکثر الورمش سببی

قدم اورنجبه دیار عدمه
اولیه اکا مسلط ظلمه
شر دنیا وعذاب عقبا
اکا یاقلاشمیه دیر اجالا



حکایت هارون الرشید
در خواص حلیه شاه رسالت

افتخار خلفای عباس
یعنی هارون اوشه نکته شناس
مکر اوازۀ عدل و دادی
باغ عدن ایتمشیدی بغدادی
برسیه پوش فقیر ایردی اکا
دیدی بر تحفه کتیردم که سکا
سلطنت تاجی دگر هر نظری
سلفک کورمدینر اول کهری
پس تواضعله او اوستاد سخن
چیقاروب گوشه دستارندن

بر ورق صوندی النہ بی باک
انده یازلمشیدی حلیه پاک
نظر ایتدجکه اکا شاد اولدی
قید اندیشه دن آزاد اولدی

کوییا مالک اولوب دنیایه
ایردی بر پایۀ بی همتایه
شولقدر ایتدی اودرویشه عطا
کیم انی ایتماشیدی خلفا

بذل ایدوب کیسه لر ایله کهری
ویردی خروار ایله هم سیم وزری
ارقه سندن چیقاروب اول دانا
جوهرین جاهه سنی ویردی اکا
اوکیجه واقعده کوردی رسول
تا سرا پرده سنه ایتدی نزول

دیدی بیک لطفله کیم یاعارون
چونکه حلیه م کوروب اولدک منون
بکا تعظیم ایدوب اجلال ایتدک
کندیکی لایق اقبال ایتدک

مقاله خواص حلیه

خاص الخاص

مشعل قافله اهل یقین
حضرت شیخ جهان صدرالدین

دیدى بو حلیه عالی جاهی
کیم که یازوب نظر ایتسه کاهی

فجئه دن وسوسه خاتمه دن
انی حفظ ایله ذوالفضل و منن

ایده حق جمله بالاردن امین
پر بلا اولسه اگر روی زمین

اولدینی خاتمه فقر و غم و بیم
اولیه کیرمه شیطان رجیم

حج و اعتناق ثواب هر آن
اکا احسان ایده دا دار جهان

مبتلا اولیه امراضه تنی
رخنه دار اولیه برج بدنی

نیجه پاکیزه سیخندن صکره
فخر عالم دیدی بندن صکره

حلیه پاکمی کیم کورسه بنم
اوله کورمش کبی وجه حسنم

کوردیکنجه متشوق اولسه
حاصلی حسنمه عاشق اولسه

ارزو ایتسه یوزم کورمکی اول
قلبه نشوؤ شوق ایتسه حلول

اتش دوزخ اولور اکا حرام
ایلر اکرام ایله فردوسه خرام

فتنه قبردن او مرد خدا
یوم میزانه دک امن اوزره اول

دخی حشر ایتیه عریانانی حق
اوله غفرانه حقا ملک

انی حرز ایلسه بر اهل سفر
ضرر ایرمز دیر اکا پیغمبر

بو روایات کثیر البرکات
بویله نقل اولدی علیدن بالذات

روى عن على ابن ابى طالب
 كرم الله وجهه ورضى الله
 تعالى عنه انه قال قال رسول الله
 صلى الله تعالى عليه وسلم
 « من رأى حليتى من بعدى
 فكانما رآنى ومن راها شوقاً
 الى حرم الله عليه النار وياً من
 من فتنة القبر ولا يحشر
 عرياناً فى يوم الحشر والقرار
 وفى رواية عارياً يوم الحشر »
 صدق رسول الله صلى الله
 عليه وسلم

بوحدیث ایچره بودر قول اهم
 یعنی الله تعالى اعلم

سن سلیماندن ایسه اشفق سئ
 شبهه یوق مظهر لطف حق سئ
 عالم معرفتک اعلمی سئ
 رسلك اكرمى سئ ارحمى سئ
 شب معراجده كى وحدت ایچون
 بی جهت كور ديكك اول طاعت ایچون
 باقى نقصانه احسان ایله
 عفو وغفرانى فرمان ایله
 مطلقا غصه دن اطلاق بیور
 صلحا سلكنه الحاق بیور
 حلیه كى مشكل ایكن شرح و بیان
 ایلدم آنی بقدر الامكان
 متوكل اولوب اول سلطان
 باشلادم وصفكه كستاخانه



دخی اول محثمان ازلی
عمر و حضرت عثمان و علی
هم ایکی نخل کل آزاده
ایکی پاکیزه نسب شهزاده
دائما مطهر احسان اوله لر
زینت روضه رضوان اوله لر
کندی لطفیه علیم و علام
ایلیوب نیجه درود ایله سلام
ایده اول طائفه بی بالا کمال
غرقه قلزم انوار جمال

افتتاح خلاصه کلام
و ابتدای اوصاف سید الانام
صلوات الله و سلامه علیه و علی
اله العظام

سنده ای شاه سلاطین افکن
نعت لولا که لیاقت وار ایکن

نیجه تعریف ایدیم اوصافک
نیجه شرح ایلیهیم الطافک
سنی حق آینه ذات ایتدی
ذات یکتاسنه مرآت ایتدی
ایده من آیت حسنک تأویل
بو قدر فضلی ایله میکائیل
بوس نعل کدن ایرر عرشه شرف
زیر رانکده براق و رفرف
انیا عاجز ایکن مدحتکه
اولیا قاصر ایکن خدمتکه
بن نه خاکم که بساط کده مدام
ایلیم نطقه کلوب بسط کلام
مور مدح ایدی سلیمانی بنم
شرم جرم مدن آچلماز دهنم
بنده اول مور قدر قدرت یوق
حاصلی مدحتکه طاقت یوق
بوغبار قدم آل عبا
موردن خوار در الحاق اما

صلواتیله اولور غلغللر
 بام افلا کده شب تابسه حر
 بایه قدری کبی دولتک
 حدو پاییمی وار مدحتک
 چرخ انجمله اولوب هم پیوند
 قائم اولدجه بونه طاق بلند
 متصل حق ایله همراز اولسون
 قرب و صلتده سرفراز اولسون
 توغ شرعی ایریشوب افلاکه
 همسر اولسون علم لولا که
 یعنی بالذات اکا خلاق انام
 ایتسون انواع تحیات و سلام
 جمله اصحاب ذوی الاکرامه
 جمله اول مجمع سعد انجیامه
 حشردهک اوله صلات ایله سلام
 کذر ایتدجه شهوور واعوام
 باخصوص اولره تحقیقه رفیق
 ظل حق حضرت صدیق عتیق

ویردیله مجلس کفری باده
 شک و شرکی قومادی دنیاده
 بولدی تنزیده چون نطق رسوخ
 کتب منزله اولدی منسوخ
 انجلاهی رخی یاقدقه فیتیل
 سوندی قنیل زبور وانجیل
 ایتدی انقاس نفیسیله اوشاه
 حکم تورات یهودایی تباه
 طاقدی اول داور جهازه سوار
 سرینه اشتر چرخک افسار
 یوریدی محمل مه ککوبه سی
 طوتدی عالمیری بانک جرسی
 توغ دین ایتدی صفایله خرام
 ایردی عیوقه لواهی اسلام
 چرخه عکس اولدی اودم ماه کبی
 لمعه مشعله مطلبی
 کوردی منشورینی خیر البشرک
 دفترن دوردی فلک شور و شرک

اولدی بوقبه پرصیت و صدا
 حشره دك مبحث شرع غرا
 مظهر حق ایکن اول صنع جلیل
 دخی نابود ایدی جبرائیل
 حق رسول ایکن اوسالار وفی
 آب وکلده ایدی دخی جسم صفی
 امر «کن» دن یوق ایدی صوت و سخن
 او خدا ایله تکلمده ایکن
 ایلمش ذاتن اودمده مرسل
 کار فرمای ازل عز وجل
 کلدن کتم عدمدن آدم
 اکل دیرلردی نبی الاقدم
 او قومزکن او خلیلک خلفی
 ایتدی ملزم علمای سلفی
 اکامی لقب اولمق محضا
 اولدیغندندر او ام الاشیا
 نیجه امی که کتابخانه حق
 اولدی تألیفی ایله مستغرق

او ظهور ایتک ایچون رب عباد
 آدمک ایتدی وجودین ایجاد
 جمله دن ویردی اکا استغنا
 التفتات «ولقد کررنا»
 قیلدی مسجود ملک اول جسدی
 نکته طینت آدم «بیدی»
 بوقدر رتبه صافی اللهه
 بوتقرب او اولو در کاعده
 بوقدر نعمت بی منت رب
 احمدک شاننه تعظیم ایدی هپ
 ذاتک قوت واستعدادی
 اولدی احیاسنه کونک بادی
 کلدی اول فارس تیه لولاک
 قویدی اتشکده فارسه خاک
 سر نکون ایلدی سرکشاری هپ
 نابید اولدی صناید عرب
 خرق عادات ایله اول معجزه لر
 لات وغزایی ایدوب زیر زبر

نعت حبیب خدا محمد مصطفی
علیه صلوات الله سبحانه و تعالی

حقه منت اوشه ذوالحسبک
یعنی پیغمبر عالی نسبک
ایلدی مقدم فرخ فالی
پایه آل قریشی عالی

هیبت دبدبه کوس نبی
کسدی عرق نسب بولچی

ای کوکل عاشق لایعقل ایسه ک
باده وحدت ایله قان زل ایسه ک

ماسوی الهی دلکدن سلب ایت
وادئ نظمه بواسلوب ایله کیت

باشلا نعتنه نبی حرمک
محرم حضرت اولان محترمک

اول مه چارده « ثم دنی »
آفتاب افق « او ادنی »

مست مد هوش می ناز جمال
شمع فانوس شبستان وصال
فاضل حوصله آموز فلک
کامل معرفت اندوز ملک

رافع رایت دین و ایمان
ناظم سلسله امن و امان

قسمت « نحن قسمنا » ده بیله
آکیلان اسم ابوالقاسم ایله

شاء کونین و امام الحرمین
جد سبطین و نبی الثقلین

باشنه کیدی « لعمرک » [۲] تاجن
الدى معموره علمک باجن

[۲] سورة حجر ددر حیات نبی اوزربنه خدانک قسمیدر عر لفظنک
بقا معناسنه فحی ضمی بر اولوب تقدیر عبارده « لعمرک قسمی » دیمک اولدیغنی
روح البیان تفصیلاتیله کوستریور شوقطعه اوراده کورمشدر چون نبی
از هستی خود مریفته « فرق پاکش » از لعمرک « تاج یافت » داشت از حق زندگی
در بندگی شد « لعمرک » جلوه آن زندگی • [لاطابع]

اظہار معذرت و طلب مغفرت

یا الہی کرمک مبذول ایت
عذرن افتادہ لک مقبول ایت
قیلمہ درد اعلیٰ ای فرد صمد
ہیت « ثم رددنا » ایلہ رد
قدرتک وصفہ طاقتلری یوق
نیاسونلر فقرای مخلوقات
نیجہ ایتسون برالای مور سقیم
ملک العرش عظیمی تعظیم
خانداننہ رسولک اما
التجا ایلوب ای بار [۱] خدا
ینہ لطفکدن اومار غفرانی
موردن کمتر اولان خاقانی

ظاهر اولق ایلہ مرآت شہود
امر اولوب جملہ ملک قلدی سجدود
چکدی پس صلیحہ ایام قضا
خامہ دست قدرلہ طغرا
جملہ نک اولی در ختم رسل
دیدیلر انک ایچون مأخذ کل
ایلدی جوهر ذاتن بالذات
رب عزت سبب مخلوقات
ہپ بومعنای بیلیلر عرفان
فرعدر غیر بودر اصل همان
نصب اولوب کافہ عالمہ اول
جانب حقندن اودم اولدی رسول
توغ « طہ » ایلہ اول سرور و ان
علم آسا صالوب کلدی همان

[۱] یاسز اولہرقی معظم افتدی معناسنہ اولدیغنی کلمتک ایکنجی
بانک نہایتنہ ای بار خدای کبئی ارای بیتک شرحندہ سودو، تفصیل
ابدیور [لاطایع]

دو کیلوب عالم ارواحه اوتر
اولدی هر قطره سی بر پیغمبر
ینه بر دفعه اخراده خدا
باقدی افراط محبتله اکا

ایلدی غرق عرق انی حجاب
کل پر ژالهیه دوندی اوجباب
قطره سندن انک اوستاد ازل
ایتدی بر کوهر شهوار اول
بر نظر قیلدی مهابتله اکا
اریوب اولدی او کوهر دریا
ابر لطفی اولیجق دریا بار
موج لر ظاهر اولوب چیقدی بخار

ایلدی صکره انک ایزد پاک
کفنی خاک بخارن افلاک
صولجان ید قدرتله همین
کلدی میدانه بوکز روی زمین
اولدیلر کتم عدمدن موجود
بو قدر ملک و ملک بولدی وجود

یعنی سلطان سر پرده غیب
حاکم عادل بی علت عیب
کنج پنهان کبی تا اولدن
ذاتی فردیت ایله قائم ایکن

طاعت انس و ملکدن یعنی
شان اعلاسی ایکن مستغنی
اقتضا ایتدی منزله ذاتی
سبب خلقت موجوداتی
ایتدی اولدمده همان عشقی ظهور
اولدی القصه هویدا بر نور
سودی اول نوری حبیم دیدی حق
اولدی دیدارینه عاشق مطلق

اکا تسخیر اولنوب ملک شهود
عز و دولته کلوب بولدی وجود
طولدی آوازده احمدله جهان
ایلدی عشق الهی غلیان
نظار ایتدکجه اکا رب غفور
ترله دی شرم و حیا دن اول نور

نطق حال ایله رموز اشیا
ذوالجلال اولدیغین ایلر ایما
فیض انعامی قوماز کیمسه نی آج
اول مبرا اکا دنیا محتاج
بو طقوز قات فلک بی تمیل
کبریاسنه کورده شیء قلیل
اقتضا ایلر او وحدانیت
واقعا کبر و جلال و عظمت
انی درک ایدمه من ادراک فحول
ایرده من قدرتنه فهم و عقول
کیف وکنده اوزاتمه سیخی
حاصلی کندی بیایر کنیدیسی
بحرافکاره دوشوب چکمه امک
نکته چون وچرادن ال چک
کشمش اتمشدر انی جدل
تیغ « لایسئل عما یفعل »
عجز ایدر هربری بحث قدره
حس خمه ایله عقول عشره

نقد عرفانی بولانلر کامل
ماعر فناءک دیمش الحاصل
قدرت صنعن ایندرلر اثبات
یرده کوکده بوسکون وحرکات
حادثات فلکه اولسه نظر
قدم ذاتی ایجاب ایلر
هیچ نقل اولسهده عقل سلیم
حکم ایدرکه اوله براوستاند علیم
نیجه بیک سعی بلیغ ایتسه انام
کنه ذاتنه ایرشمز اوهم
لایق اولدرکه همان سالک راه
دیه لا نعبد الا آیه
ماحصل اوشه ملک ازلی
مالک سلطنت لم یزلی
عالم سر خفیات جهان
واقف جمله ذرات نهان
کوس وحدت زدهدر یکتایی
داور عالم بی همتایی

بر سهی قامته بکزر مشال
 ديه من کيمسه ديل آچوب اکا لا
 ناظر اولسه ک اکا آينه مثال
 کورينور عارض لطف متعال

توحيد حضرت باری

عزاسمه

حمد اول اللهه که يکتادر اول
 دخی دانا و توانادر اول
 اکا مخصوص و مسلمدر هم
 موبو جمله امور عالم
 متصرف اودر اشيايه تمام
 نه خواص اراده هرگز نه عوام
 کمتر احسانی سعادت تاجی
 تاجداران جهان محتاجی
 بر اولور ايليچک عدلی ظهور
 در لطفنده سليمان ايله مور

لفظة اللهی اچيلمش کلدرد
 بر بر اعرابی اکا بلبلدرد
 صانعک اولديغنی لطفی عمیم
 کوسترر هیئت «رحمن رحیم»
 اولديغیچون طرف حقّه دلیل
 سرینه تاج ایدر آنی تنزیل
 چکدیکيچون ره وحدتده علم
 اوستی یانه آیلر لوح قلم
 اچديغیچون در فیاضی اکا
 باشی اوستنده یر ایلر «طه»
 فکر ایدرسک او حروف ممدود
 اولدی سرحد اقالیم شهود
 صانهسک روح ايله جسم اولمشدر
 در حکمتده طلسم اولمشدر
 یولی کسمشدر او شمشیر آسا
 ماوراسنه وارلمز قطعا
 عقلی چابک حرکاته انجیق
 رخصت اول سده دکین ویرمش حق

بسم الله الرحمن الرحيم

FL
208
H2445

— مقدمه —

بسمه ایله ایدم فتح کلام
فتح اوله تابو معمای بنام
کوسترر آینه سی بسمه نک
حلیه پاکن اووجه حسنک
بیلیمان شوکت بسم الاهی
اکلامن سر کلام الاهی
اولسه بسمه رسمی ممدود
جنس اشاده اولور میدی وجود
مرغوش بال آچامن حاصلی سوز
نیم بسمل کییدر بسمه منر


باغ و حدتده سم لطفله پر
کویا بسمه بر سنبلدر
نظار ایدن کئی بسم الله
بکزه تر جیش رجال الله
کوره عزتله سطور مصحف
قارشی طور را کا کویا صف
بارک الله زهی سر لطیف
بولور انکله شرف نظم شریف
ابتداسنده اولان باسی انک
باشلری تاجیدر هم اسمانک
سینی در سوسن باغ ملکوت
میمی در غنجه شاخ جبروت

Hākānī Mehmed 1606

حلیہ خاقانی

Hilye-i Hākānī

اجسن موجودات علیہ اکل التیات
افند مزك شمائل شریفه لرندن باحثدر



صاحب عرفان وعلوم خاقانی محمد افندی مرحومك ازیدر



معارف نظارت حلیه سنك رخصتیه

در سعادت

(محمود بك) مطبعه سی — باب عالی جوازنده ابوالسعود

جاده سنده نومرو ۷۲

۱۳۰۷



PL
248
H24H5

Hakani Mehmed
Hilye-i Hakani

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

